

Statuts da l'uniun Unser Recht / Notre Droit / Nostro Diritto / Noss Dretg

§ 1 Il num e la sedia

En il senn da l'art. 60 dal Cudesch svizzer da dretg civil (CDC) datti in'uniun numnada *Unser Recht – Notre Droit – Nostro Diritto – Noss Dretg* cun sedia al domicil dal president u da la presidenta. Sche quai fa basegn, po l'uniun sa manifestar era cun in num englais.

§ 2 La finamira

La finamira da l'uniun è da s'engaschar per ch'ins chapeschia, respectia e promovia il stadi da dretg ed il dretg internaziunal en lur relaziun cun la democrazia.

L'uniun n'ha nagina finamira mercantila e n'aspira a nagin gudogn.

§ 3 Ils meds

Ils meds finansials consistan essenzialmain da contribuziuns ord la commembranza, da donaziuns e d'eventuals tschains da facultads.

§ 4 La radunanza da l'uniun

- 1 La suprastanza convochescha la radunanza da l'uniun almain ina giada l'onn, sco er, tenor CDC, cur ch'ina tschintgavla part da la commembranza dumonda quai.
- 2 La convocaziun succeda almain ventg dis ordavant, cun ina simpla brev a mintga commember/commembra.
- 3 La radunanza da l'uniun tscherna la suprastanza, la presidenta u il president, sco er ina revisura u in revisur da quintes. Per las cumpetenzas da la radunanza, il dretg da vuschar e ses exercizi valan dal reminent ils art. 65 – 68 CDC.

§ 5 La suprastanza

- 1 La suprastanza cumpiglia almain trais persunas. Lur perioda d'uffizi è da trais onns. La suprastanza sa constituescha senza.

- 2 La suprastanza maina l'uniun. Ella è cumpetenta cunzunt per surdar il dretg da suttascriber, per acceptar adesiuns e per excluder ina commembra / in commember. Cunter in'exclusiun sa la persuna pertutgada recurrer tar la radunanza da l'uniun.
- 3 La suprastanza sa instituir in secretariat, sco er organs consultativs e da sustegn. Ella sa nominar lur direcziun e commembranza.
- 4 La suprastanza prenda ses conclus cun la maioritad simpla da las personas preschentas. Ella sa prender conclus per correspondenza, era per posta electronica, cun la maioritad simpla da las personas che fan part.

§ 6 La commembranza. L'obligaziun da pajar ina contribuziun. L'exclusiun da responsabladad.

1 L'uniun enonuscha las guisas suandantas da commembranza:

- a la commembranza individuala
- b la commembranza da corporaziuns cun finamira ideala u d'utilitad publica
- c la commembranza da corporaziuns cun finamira economica
- d la commembranza individuala da faaturas u fautors A, B e C
- e la commembranza collectiva da faaturas u fautors A, B e C

2 Mintga commember collectiv e commembra collectiva duai inditgar a la suprastanza ina persuna da contact.

3 La contribuziun annuala importa:

- a tar commembranza individuala e per corporaziuns cun finamira ideala u d'utilitad publica: CHF 100
- b per corporaziuns cun finamira economica: CHF 1000
- c per faaturas e fautors A individuals u collectivs: CHF 30'000
- d per faaturas e fautors B individuals u collectivs: CHF 20'000
- e per faaturas e fautors C individuals u collectivs: CHF 10'000
- f tar commembranza individuala da personas che vegnan scoladas: CHF 30

4 Mintga commembra u commember ha ina vusch en la radunanza da l'uniun, independentamain da la guisa da sia commembranza.

5 Per ils debits da l'uniun stat buna mo la facultad da l'uniun.